

GJORNÂL DAL LEON

NOTIZIARI DE PRO LOCO PAÏS DI SAN MARC

Dicembar 2019 - n.4 - version in lenghe furlane

Amîs di San Marc, con braûre us presentin il cuart numar dal **Gjornâl dal Leon**, il piçul notiziari de Pro Loco Païs di San Marc. In cheste pagjine i cjararês lis iniziatis plui impuartantis che o vin metût impins intal 2019.

La sere di sabide ai 5 di Zenâr jenfri i cjamps de comunitât, si sin cjarâts par brusâ il tradizional **Fugaron**. Inte nestre Region al è un rît une vore slargjât cuntun significât che si piert inte gnot dai tims. A San Marc al è diventât un apontament fis che al riclame grancj e piçui. Pri di brusâ il pignarûl, si sin scjaldâts sot il nestri gazebo cuntun bon vin brulè e o vin preseât i prodots de nestre farine. Ducj dopo o vin cjalât la direzion dal fum cun la sperance di une buine anade.



Domenie ai 27 di Zenâr, Claudio Moretti al à presentât inte Sale de Comunitât "**In Memoria - Racconti della Shoah**", une schirie di leturis par pensâ par sore e ricuardâ il stermini dai ebreus. Buine la partecipazion dal public.

Il 25 di Avrîl o vin fat fieste come simpri par **San Marco**, il patron dal nestri païs. Inte nestre Sale al è stât inmaneât il gustà comunitari, une ocasion par tornâ a cjarâsi e par stâ insiemi.

O vin mangjât i plats preparâts de Parochie e de Pro Loco.



Vie in dilunc des primis dôs setemanis dal mê di Mai, si è davuelte la **Fieste dal Païs di San Marc 2019**, la manifestazion plui impuartante che a met impins le nestre Pro Loco.

Vinars ai 3 di Mai la viertidure dal event cun **Anni 80 A Sbraghebalon**, une serade dedicate ae musiche dance di cualchi timp indaûr. I participants si son sbrocâts al ritmi de musiche di **DJ Ufone**.

Intal dopo misdî di sabide ai 4 di Mai o vin ospitat il grup zovanîl **Progetto Ragazzi si cresce**, che al à animât i fruts cun zûcs e ativitâts sui bens comuns. Inte sere o vin vût la musiche live dal grup **Anni Ruggenti**.

Domenie ai 5 di Mai, coordinade da l'ASD Don Bosco, si è davuelte la **XVII Fieste dal Ciclism Zovanîl** Categorie Esordientis/Arlevis. Come ogni an la partecipazion des ciclistis in gare, cun divignince di dut il Trivenit, je stade une vore buine.

Il prin fin setemane de nestre sagre al è finît cun la musiche di **Casablanca Duo**.



No podeve mancjâ ancje chest an l'apontament cun la nestre **Cene a km0**. Joibe ai 9 di Mai inte Sale de Comunitât o vin gjoldût di ducj i plats preparâts cun ingredients locâi.

La atmosfere je stade ferbinte e magjiche intal stes timp, in grazie dai intervencs dal professôr **Agnul Floramo**, ospit de serade.

Vinars ai 10 di Mai si è esibît in un concerti il grup musicâl furlan **FLK**. Po Dopo un periodi di inativitât i components a àn sielt propit San Marc par tornâ a scomençâ a ripropi la lôr musiche etno-folk.

Sabide ai 11 di Mai si è davuelte inte nestre Sale la cunvigne "**Terra e Comunità**". Vie in dilunc dal incuintri, San Marc al à vût di bande di Slow Food FVG il ricognossiment come **prime comunitât Slow Food dal Friûl Vignesie Julie** pe sô capacitât di meti dongje la volontât di mantignî vive une piçule Comunitât rurâl cun l'obietf di contribuî ae



realizazion di un mont plui "Bon, net e just", come che al recite il sproc stes di Slow Food. Ae sere musiche e intratigniment cun **Alvio & Elena**.

La Fieste 2019 si è concludude domenie ai 12 di Mai cun la cjaminade pai cjamps **Ator pal Roat** e la **rassegne corâl** metude impins dai amîs dal Coro Cjastelîr di Tombe. La sierade de sagre je stade afidade al nestri ami **Matti DJ**, che chest an al à puartât la sô fantastiche consolle diretamentri in enoteche.



In dutis lis zornadis de sagre a àn funzionât furnîts barachins de gastronomie, compagnâts de enoteche e de rinovade birerie. Di chest an o sin braurôs di vè espost la scrite "**Sagre cence plastiche**". O vin eliminât completamentri lis butiliis di plastiche in grazie des butiliis di veri. Il percors al jere za scomençât intes edizions indaûr, cun plats di ceramiche, possadis di açâl e tacis di bioplastiche pe birerie. Ancjemò un pas indenant pe nestre Pro Loco che a met come obietf ancje la tutele dal ambient.



Domenie ai 14 di Lui lis stradis di San Marc a àn dât acet al **Zîr di Italie Feminin**. Un event une vore impuartant che al à cjarât dentri la ASD Don Bosco e la nestre Pro Loco. Si sin cjarât in Vie Simonut, indulà che al è stât preparât un pont di ristôr par chei che a volevin viodi il passaç des ciclistics.




Ducj i participants si son dâts dongje in place par fâ une Ola grandonone intant che al passave il Zîr colôr di Rose, che e je lade in onde parfin su la nestre emitent locâl Telefriuli.



Insieme al Comitât Frazionâl di San Marc, Domenie ai 21 di Lui, la Pro Loco à metût impins la **Fieste da Racuel**, jenfri i cjamps de comunitât. I fruts a àn partecipât al tai des spiis come che si faseve une volte e ae batidure dal forment sul cjar. Par ducj i participants, prodots preparâts cun la nestre farine.

Intal mê di Otubar, si è davuelte la tierce edizion da rassegna teatrâl **Marcusis**. La viertidure si è tignude sabide ai 5 di Otubar cun la proiezion dal **Facchin Show** par cure di Felici Ma Furlans. Ai 19 di Otubar invece la Filodramatiche Sot La Nape di Vil di Vâr à proponût la comedie **News in the gnot**, sot la regjie di Claudio Moretti. À concludût la rassegna ai 26 di Otubar la compagnia I Sghiras cun la comedie in trê ats **La Murose di Triest**. L'event al è stât patrocinât dal Comun di Merêt di Tombe e da l'ArLef.



Domenie ai 27 di Otubar, si è tignude intai spazis de Sale de Comunitât la gare ciclistiche no competitive **Lui e Lei**, risultât de colaborazion tra la Pro Loco e i amîs de ASD Don Bosco di San Marc.

Domenie al 1 di Dicembar, colpe dal maltimp, la **Fieste de Semine** je stade anulade. Si sin cjarâts inte Sale de Comunitât par fâ fieste pe gnove anade dal nestri forment. Grancj e fruts a àn vivût un moment di convivialitât.



Ae fin di chest sfuei o volin ringraciâ ducj chei che a àn contribuît cun lavôr e passion par che ogni iniziative a saltedi fûr par la miôr, mostrand di vè... Il cûr a San Marc!

A ducj un auguri di Buinis Fiestis!